



Bosnia and Herzegovina
Federation of Bosnia and Herzegovina
Bosnian-podrinje canton Gorazde
MINISTRY OF JUSTICE, PUBLIC ADMINISTRATION AND LABOR

Broj: 05-30-4-3/26
Goražde, 09.01.2026. godine

Na osnovu člana 8. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 12/03, 34/03 i 65/13), člana 22. i 23 Zakona o pravobranilaštvu Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 12/25) i Odluke o standardima i kriterijima za imenovanje kantonalnog pravobranioca i zamjenika kantonalnog pravobranioca Pravobranilaštva Bosansko-podrinjskog kantona Goražde broj: 03-30-23/23 od 08.01.2026. godine Ministarstvo za pravosuđe, upravu i radne odnose Bosansko-podrinjskog kantona Goražde objavljuje:

JAVNI OGLAS
ZA IZBOR ZAMJENIKA KANTONALNOG PRAVOBRANIoca

I. Opis pozicije Zamjenika Kantonalnog pravobranioca

- Zamjenik kantonalnog pravobranioca obavlja poslove pravne zaštite imovine i imovinskih interesa Kantona, vrši poslove iz djelokruga Pravobranilaštva koje mu odredi Pravobranilac a prema rasporedu poslova iz nadležnosti kako je to predviđeno odredbom člana 21. Zakona o pravobranilaštvu, zastupa Kanton i u tom cilju poduzima pravna sredstva i mjere radi zaštite imovine i imovinskih interesa Kantona u svim sudskim i upravnim postupcima kao i u upravnom sporu u skladu sa Zakonom, zamjenjuje pravobranioca u situacijama njegove spriječenosti i odsutnosti u obavljanju nadležnih poslova, daje mišljenja na Ugovore imovinsko pravne prirode, pruža stručnu pomoć organima koje zastupa, izjavljuje pravne lijekove na odluke koje su suprotne interesima Kantona, pomaže pravobraniocu u donošenju unutrašnjih normativnih akata, daje pravna mišljenja u postupku donošenja propisa i akata iz nadležnosti Pravobranilaštva, predlaže odgovarajuće mjere i pravna sredstva radi zaštite imovinskih prava i interesa Bosansko-podrinjskog kantona Goražde, obavlja i druge poslove iz djelokruga Kantonalnog pravobranilaštva koje mu odredi Kantonalni pravobranilac.

Zamjenik Kantonalnog pravobranioca 1-izvršilac imenuje se za obavljanje dužnosti bez ograničenja trajanja mandata.

II. Za imenovanje na dužnost Zamjenika kantonalnog pravobranioca kandidat mora ispunjavati slijedeće uslove:

1. Opšti uslovi

- da je državljanin Bosne i Hercegovine;
- da je stariji od 18 godina;
- da je zdravstveno sposoban za obavljanje poslova na koji se kandiduje;

- da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od 3 (tri) godine prije dana objave upražnjene pozicije;
- da nije osuđivan za krivično djelo ili privredni prijestup koji predstavlja smetnju za imenovanje na upražnjenu poziciju u roku od 5 (pet) godina od dana izdržane, izvršene, zastarjele i oprostene kazne;
- da mu odlukom suda nije zabranjeno imenovanje na dužnost zamjenika kantonalnog pravobranioca;
- da se na njega ne odnosi član IX. tačka 1. Ustava BiH;
- da nije član upravnog, izvršnog i drugog tijela političke stranke;
- da nije zvanični nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine FBiH", br. 70/08).

2. Posebni uslovi

- završen Pravni fakultet - VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema, koji se vrednuje sa najmanje 240 ETCS-pravne struke;
- položen pravosudni ispit;
- da ima iskustvo u radu na pravnim poslovima u Pravobranilaštvu, pravosudnim organima ili u drugim državnim organima, preduzećima i drugim pravnim osobama u trajanju od najmanje 5 (pet) godina, koji je radeći u tim organima i pravnim osobama stekao ugled pravnog stručnjaka i koji posjeduje najviše moralne osobine za obavljanje službe pravobranioca.

III. Kriteriji prilikom ocjenjivanja

Prilikom utvrđivanja rang-liste najboljih kandidata, u obzir će se uzeti slijedeći kriteriji, koji će se izraziti u bodovima od 1-5, i to:

- predznanje o poslu;
- motiviranost/entuzijazam;
- relevantno radno iskustvo;
- sposobnost iznalaženja rješenja;
- vještina komunikacije.

IV. Uz prijavu na javni oglas, kandidat je dužan priložiti:

- biografiju, adresu i kontakt telefon;
- dokaz o školskoj spremi;
- uvjerenje o položenom pravosudnom ispitu;
- uvjerenje o radnom iskustvu;
- uvjerenje o državljanstvu;
- uvjerenje da kandidat nije osuđivan za krivično djelo ili privredni prijestup koji predstavlja smetnju za imenovanje na upražnjenu poziciju u roku od 5 (pet) godina od dana izdržane, izvršene, zastarjele i oprostene kazne;
- ovjerena izjava da kandidat nije otpušten iz državne službe kao rezultat disciplinske mjere na bilo kojem nivou vlasti u BiH, u periodu od 3 (tri) godine prije objavljivanja Javnog oglasa;
- ovjerena izjava da kandidat nije obuhvaćen članom IX. 1. Ustava BiH;
- ovjerena izjava da kandidat nije član upravnog, izvršnog i drugog tijela političke

stranke;

- ovjerena izjava da kandidatu odlukom suda nije zabranjeno imenovanje na dužnost zamjenika kantonalnog pravobranioca;
- ovjerena izjava da kandidat nije zvanični nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine FBiH", br. 70/08).

Kandidat koji bude izabran, obavezan je da dostavi uvjerenje o zdravstvenoj sposobnosti za obavljanje posla, u roku od osam dana od dana izbora.

V. Podnošenje prijava

Dokumenti koji se prilažu uz prijavu na Javni oglas moraju biti originalni ili u ovjerenoj kopiji, ne stariji od tri mjeseca.

Prijavu na Javni oglas, s traženom dokumentacijom, potrebno je dostaviti u roku od 15 dana od posljednjeg dana objavljivanja Javnog oglasa, lično ili preporučeno poštom na adresu:


**Bosansko-podrinjski kanton Goražde Ministarstvo za pravosuđe, upravu i
radne odnose**

**Ul. 1. Slavne Višegradske brigade 2.a. 73000 Goražde
s naznakom:**

**Prijava na Javni oglas za imenovanje Zamjenika kantonalnog
pravobranioca Bosansko-podrinjskog kantona Goražde**

Kandidati koji uđu u uži izbor bit će pozvani na intervju.

Podnosioci prijava sa kojima se ne stupi u kontakt u određenom roku, a nakon roka podnošenja prijava, neće biti uzeti u razmatranje u daljnjem procesu imenovanja te se neće dostavljati pisane odbijenice kandidatima koji ne ispunjavaju uslove.



PO OVLAŠTENJU VLADE

Bašić Emina, dipl.pravnik